



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXIX. De Cavendo Replapsu.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

130 *Ab Octava SS. Corp. Christi usque ad Adventum*
cobus in cit. Ep. *Omnis natura bestiarum, & volucrum*
& serpentum, & caterorum domantur, & domita sunt
Natura humana: linguam autem nullus hominum domare
potest (scilicet sine speciali DEI Auxilio, & sine con-
nuo eandem domandi studio, sine quo citò ad natu-
ram redit) Inquietum malum, plena veneno mortifero (si-
cilè enim per illam peccatur mortaliter, præsertim
detractioe famæ, à qua specialiter Religiosi sibi con-
veant) In ipsa benedicimus DEVM & Patrem, & in ipsa
maledicimus homines, qui ad similitudinem DEI facti sunt
Ex ipso ore procedit Benedictio & maledictio. Ecce con-
mationem verborum Christi! Quantâ igitur curâ in
guæ moderandum est!

MEDITATIO CCLXIX.

De Cavendo Relapsu.

LUC. II. V. 24. MATTH. 12. V. 43.

PUNCTUM I. Post responsionem ad blasphemiam
assertionem Phariseorum, quòd Christus in Be-
zebub eijciat dæmones, & post reprehensionem maledicentia
Scribarum ac Phariseorum, occasio ejectionis dæmonis ex corpore
energumeni, transit Christus ad ejectionem dæmonis ex Anima
hominis peccatoris. Gratiam justificati, & hortatur ad perseverantiam,
cens LUC. II. V. 24. *Cum immundus Spiritus exierit de homine,*
ambulat per loca inaquosa, quærens requiem, & non in-
veniens, dicit: revertar in domum meam; unde exivi. Et cum
revertar, invenit eam scopis mundatam, & ornatam. Apud Mat-
thæum additur etiam: vacantem. Quibus verbis in-
dicatur, quòd Diabolus ex Anima pulsus, velut in locis in-
iniquis

inaquofis fitim ingentem patiat, & non quiescat, donec Animam, paulatim ad pristina vitia revertentem, rursus inveniatur præparatam ac dispositam ad suam habitationem. Quemadmodum ergo Diabolus ardente siti, & inquieto conatu aditum in Animam nostram tentat; ita non minore Justitiæ ac Perfectionis siti, & indefessâ vigiliantia repellendus est, portis sensuum diligenter oclusis ac custoditis, & occultis cuniculis insidiarum, ac tentationum undique exploratis: ne tibi etiam contingat, quod sequitur.

PUNCT. II. *Tunc vadit & assumit septem alios Spiritus secum, nequiores se, & ingressi habitant ibi. Et sunt novissima hominis illius peiora prioribus.* Luc. v. 26. Septem Spiritus nequiores sunt septem vitia Capitalia, quæ nequiora sunt, magisque noxia, quam ipse Diabolus: eadem enim vitia designantur per septem dæmonia, è Magdalena ejecta, teste Marco c. 16. v. 9. Itaque his & tentationibus illorum etiam minimis, vel remotis, opponendæ sunt Virtutes contrariæ, vel septem Dona Spiritus Sancti. Semper etiam cavendum, ne domus unquam relinquatur *Vacans*, sive vacua Gratiâ inhabitantis Spiritus Sancti & protegentis, ne novissima hominis ad DEVM conversi, vel Divino cultui in Religione addicti, fiant deteriora prioribus: ex qua consideratione dixit S. Augustinus Epist. 137. *Non sum expertus peiores, quam qui in Monasterijs ceciderunt: Optimi enim corruptio pessima.*

PUNCT. III. Considera, quod, quando homo ad pravas suas consuetudines, & priorem tepiditatem relabitur, sic fiant novissima illius peiora prioribus; quia nimirum augetur ingratitude erga DEVM, crescit

crescit reatus pænæ, consuetudo prava & mali habitus magis roborantur, difficultas obtinendi victoria intenditur, vires minuuntur, spes & desiderium emendationis languescit, & animus concidit. Hinc inquit S. Paulus ad Hebr. 6. v. 4. *Impossibile est enim* (id est difficillimum, & moraliter, ac sine speciali DEI Gratia est impossibile) *eos, qui semel sunt illuminati, gustaverunt etiam Donum Caleste, & participes facti sunt Spiritûs Sancti, gustaverunt nihilominus bonum DEI Verbum virtutesque sæculi venturi, & prolapsi sunt, rursus renoverunt ad Penitentiam.* Quod non tantum de lapsu in via peccata, sed etiam in veterem tepiditatem intelligendum est; quia ferè facilius, & sæpius (ut colligitur ex Apoc. c. 3. v. 16.) frigidus, quam tepidus calefcit.

MEDITATIO CCLXX.

*Felicitas illorum, qui Divina
obediunt Voluntati.*

LUC. 11. v. 27. Matth. 12. v. 46.

PUNCTUM I. *Factum est autem, cum hac diceret (in priori Meditatione relata sunt) Extollens quædam mulier de turba, dixit illi: Beatus Venter, qui portavit, & Utera, qua suxisti. At ille dixit: Qui sunt Beati, qui audiunt Verbum DEI & custodiunt illud.* LUC. 11. v. 27. Considera, quanta quidem sit Beatitudo esse Matrem DEI, ipsius etiam Matris confessione *Beatam me dicent omnes Generationes: Et universa Eccl[esi]a testante, ac dicente: Beata Viscera MARIÆ Cælestis, qua portaverunt aterni Patris Filium, & Beata Uterus,*